

Cov Phiaj Xwm Cheem Kev Tsim Txom nyob rau Kev Saib Xyuas Hauv Tsev

Tsim Tsa ib qho IAPP

Minnesota Cov Kev Cai Lij Choj, ntu 144G.42, ntu me 6(b); thiab 626.557, ntu me 14 tswj kom tsim tsa muaj ib qho IAPP.

Daim phiaj xwm yuav tsum tau muaj 1) kev ntsuam xyuas rau ib leeg lossis kev ntsuam xyuas rau tus neeg uas tej zaum yuav raug tau kev tsim txom ntawm lwm tus neeg, 2) tus tib neeg qhov kev yuav muaj feem xyuam tsim txom lwm tus neeg laus uas tsis taus, thiab cov nqe lus ntsig txog cov kauj ruam los mus txo kev tsim txom, 3) suav nrog rau kev tsim txom tus kheej thiab.

- Qhov IAPP tsis yog kev ntsuam xyuas fab kev noj qab haus huv lossis kev tu mob nkeeg.
- Cov qauv kev tsim txom tus kheej
 - Tus neeg mob muaj keeb kwm tsis kam noj tshuaj nyuab siab thiab raug yuam kom txais kev saib xyuas fab kev nyuaj siab.
 - Tus neeg mob muaj keeb kwm xav txo tus kheej txoj sia thiab tau muaj kev sim hlais tus kheej txhais dab teg thiab tau mus pw tom tsev kho mob 3 zaug los lawm.
 - Tus neeg mob muaj keeb kwm tsis da dej, nquag tuav zis tuav quav tsis tau thiab mob qhov txhab heev zuj zus los ntawm kev pw nias lub cev.

Leej twg yuav tsum tau muaj ib qho IAPP?

Txhua txhua tus neeg uas txais kev saib xyuas hauv tsev.



Qhov IAPP yuav tsum tau ua kom tiav lossis rov ua dua tshiab rau thaum twg?

- Thaum tau txais kev pab cuam.
- Thaum tus neeg mob qhov feem xyuam raug tau xwm txheej/kev tsis taus tau hloov.
 - piv xam, yog pom tias tus neeg mob tau tsum tsis noj tshuaj lawm, ces ua rau muaj xwm txheej fab kev nyuaj siab ntshov ntsws thiab tau mus pw tom tsev kho mob, tus neeg mob qhov IAPP yuav tsum tau muab kho dua tshiab kom muaj nqe lus ntsig txog nws qhov kev tsis taus (qhov xwm txheej), yuav tsum muaj kev tsim tsa ib qho phiaj xwm los mus pab nws nyob kom nyab xeeb ntawm kev tsim txom tus kheej.

Nco ntsoov tias: Qhov IAPP tsis yog qhov cuab yeej ntsuam xyuas; nws yog ib qho phiaj xwm yuav tsum tau ua uas ntsig txog cov kauj ruam rau tus kws pab saib xyuas hauv tsev ua raws los mus tiv thaiv tus neeg mob kom txhob raug tsim txom, tiv thaiv kom tus neeg mob ho txhob tsim txom lwm tus, thiab txo kev tsim txom tus kheej, uas ua tau raws li tus kws lub tsab peev xwm kev pab cuam thiab kev saib xyuas ib puag ncig.

Leej twg yuav tsim tsa tau ib qho IAPP nrog tus neeg mob?

Tsis muaj ib cov cai tswj li cas txog ntawm tus neeg ua hauj lwm uas yuav tsim tau ib qho IAPP; yog cov neeg ua hauj lwm tus twg kuj tau uas lub chaw saib xyuas lees pom tias muaj kev paub txog thiab muaj tsab peev xwm los mus ntsuam xyuas tus neeg mob qhov feem xyuam raug tau xwm txheej. Yam tseem ceeb ces yog cov ntsiab lus hauv qhov phiaj xwm.

Cov Kev Pab rau Tsim Tsam IAPP:

[Welcome to your new services \(Tos txais koj rau cov kev pab cuam tshiab\)](#)

[Developing the IAPP Home Care Providers \(Kev tsim tsa Cov Kws IAPP Saib Xyuas Hauv Tsev\)](#)

CONTACT

Minnesota Department of Health
651-201-4200